





Rooted in Trust 2.0 (RiT 2.0) indongoloso yehango dzose yepa luzibo inowana bhatsho lemari ku USAID Bureau for Humanitarian Assistance (USAID-BHA) ihingidzana nemakubungano anoyendisa dzindebo, nemakubungano amutjaba nebakalingisana nebutjilo bubuya mutjaba nange bakalingisana nebatshiwa kwetjaba idzibilila andama nekulibilidza kwemakwayi neluzibo gusimalebeswa nekweCOVID-19. MuZimbabwe, yakalingisana nebanhu banogala belimudzinjendo mutjaba tjeKuburwa gweZimbabwe: muntunhu weMatabeleland North, neweMatabeleland South, neweMidlands, neweMasvingo neBulawayo.



Tjinangwa tjeNdebo Lukwalo igogu

Makwayikwayi amundebo lukwalo igogu akakubunganyiwa nebatobeeli meludandi gwezuvisana banohingila Internews muZimbabwe kubvila nedzi 12 dzaHotje 2022 kunoti nedzi 11 dzaMapembgwe 2022. Internews yakawana makwayikwayi ali **266** muFacebook, nemuTwitter, nemuWhatsApp kose nemuwhilila zwirolebgwa pakakubungana banhu mutjaba.



Visualization by RiT 2.0 Data from Ministry of Health and Child Care (MoHCC) statistics

Bantu bakabhayiwa muZimbabwe mumwedzi unopela nedzi 25 dzaMapembgwe 2022 bakatelela kubva mu277,130 bakaba 249,310, bakatelela ne 10%. Tjingaba tjakayeta kuti banhu basitjabe nehanya nebhayigwa dzibilila COVID-19 kungaba zwibudza kwebantu kuti COVID-19 yatjipela. Bantu bakabhayiwa kwekutanga mumwedzi unopela nedzi 25 dzaMapembgwe 2022 bakawanda bakaba 82,838 kubva mu76,524 baka babhayiwa mumwedzi unopela nedzi 25 dzaHotje 2022. Bantu bakabhayiwa kwebubili mumwedzi waMapembgwe 2022 bakaba 101,203, bakatelela ne23% kubva mubantu bali 131,083 baka babhayiwa mumwedzi waHotje 2022. Bakabhayiwa kwebutatu bakatelela ne 6%, kubva mu69,523 mumwedzi waHotje bakaba 65,269 mumwedzi waMapembgwe. Kuwhoti ngwenuwali muZimbabwe banhu batjibhayiwa kwekutanga nekwebubili batjiba 4,726,525, kunoleba kuti kwtjibhayiwa 47% yebantu bali mamiliyon ali gumi hulumente waakalingilila bhaya pela kwa2022.




masitetisitiki ose amulukwalo igogu anobvila nedzi 12 dzaHotje 2022, kunoti nedzi 11 dzaMapembgwe 2022.



Tjinangwa tjeNdebo Lukwalo igogu


Fananidza Bugwele gweCOVID-19 Mwedzi neMwedzi



Lakidza kweRiT 2.0: Mbalo dzemasitetisitiki eMoHCC

Bantu bakaladzikiwa muzwiwongelo ngentha yeCOVID-19 bakatelela kubva pa213 bakaba 61 kubva nedzi 12 dzaHotje 2022 kunoti nedzi 25 dzaMapembgwe 2022. Njifu dzeCOVID-19 dzakatelela kubva pa 47 mumwedzi waHotje dzikaba 29 mumwedzi waMapembgwe. Kunoswika nedzi 25 dzaMapembgwe 2022 muZimbabwe banhu bana COVID-19 ba507, 13 bakaladzikiwa. Muna bali 13 bakaladzikiwa, bali 9 ndebakabhayiwa, 4 ndebasakabhayiwa. Mashonaland West ndiyo ina banhu banjinji bana Covid-19, ina banhu bali 144 itebegwa neMashonaland Central ina 96, kukotjiti Harare ina 66. Hango yedu yakalingisana nebulemo mulutabi gwezwezwiwongelo, bahingi banjinji banosiya kakale bamwe banoteleka behaka pamhidziwa mari. Kudza kuwhoti nedzi 25 dzaMapembgwe 2022, muZimbabwe akwanhu kukaba nenu wabakhwa bugwele gwehokomhezi, nekutobe kwakajalo, hulumente wakazibisa kuti watjibaakanya nhambo dzelindila, neholesesa muma labhorethari nedzibilila bugwele igogu.

Saku wali, beMoCC banopa miti yedzibilila bugwele gwedunda malopa nemakonye muntumbu, mumitunhu ili 40 inanghwele idzedzi, banopa bana kubvisila pana bana gole kunoti mokole ali 15.



Internews Zimbabwe yakakubunganya makayikwayi ali 266 kubvisila nedzi 24 dzaHotje kunoti nedzi 25 dzaMapembgwe 2022, 25% akabva muFacebook, 47% akabva muTwitter, ali 28% akawan'wa mpanozuwisana tjaba kuhingisiwa KOBO. Zwinolebgwa mumakwayi zohanganyila whoku: "Mamasiki azotjafanila mbagwa saku COVID-19 yatjipela (40%)", "Humulente unatjaanowana nekweCOVID-19 (27%)", "Mamasiki haana tjaanobhatsha natjo paCOVID-19 (15%)", "Mapholisa anabupitipiti pakuhingisa milayo yeCOVID-19 (9%)", nekuti "Bhayigwa dzibilila COVID-19 kukanjisa (8%)". Internews Zimbabwe yakawana makayikwayi ali 4 anoti bugwele gweHokomhezi kuna sekwagunoyendidzana neCOVID-19.



"Moseni makatihhilila nobhayigwa dzibilila Covid-19 Ndzimu ngaamudzibilile mubuhungu igogu, mungan'wa nti unoyi Zeolite kene masimbe kudze muzwingudze buhungu igogu, kene mube mumboli yeba mugala munobhayigwa simisa mbili hule kwemumwedzi mitanhatu, ngobe hapa musajalo mowhofa"



Tjinolebgwa mumakwayi: Bhayigwa dzibilila COVID-19



Holesesa malebeswa

Miti yedzibilila COVID-19 ayitobulaya, seleba kweMoHCC, inobhatsha simisa mbili, hapa banhu besingabhayigwe dzibilila banoba mumboli yebhata bugwele nekubadziwa nenghwele dzinonga Dingindi, Pandiwa nen'holo, Tjibhayo, Maketane nePholiyo, dzina miti yedzidzibilila bo. Akutotikala kuti nhu aduse miti yedzibilila COVID-19 mumbili ngen'wa masimbe ana nti unoyi Zeolite, ngobe ikoku kongina muntumbu akutongina mumalopa kuti kunodusa miti yedzibilila COVID-19 imumalopa. Seleba kwebazibi bebalapi, nti wesimisa mbili unoyeta kuti mbili ubake badzibilili ululamile zwidzibilila kubhukanana leCOVID-19, kokuludzigwa kuti nhu whola abhayigwe simisa mbili kan'ompela mumakole ali gumi.

Zwinokuludzigwa

- Bahingi bano andamisa luzibo mutjaba bangahakisira nekwezwilebo zwisimalebeswa nekwemiti yedzibilila, bekotambunudza bebudza banhu lebeswa nekwemiti yedzibilila COVID-19 behingisa ndimi dzinolebgwa mutjaba, dzinonga Tjikalanga, tjiVenda, tjiNambiya, tjiTonga, tjiSotho netjiTebele, mumihangano nemudzirediyo (pano adzimaniwa dzimari, panokobaniwa zodliwa, mundongoloso dzinotjenedza tjaba nemumihangano yezwedzetongwa kwehang).
- Banohinga bakalingisana netjila kubuya mutjaba behingisana nebetjikadzi, nebetjilume nebatjakula nebanogala beli mugwendo bangayeta mizano ingazan'wa nenjimbo dzingambiwa kuli zila yetjenesela banhu mumihangano nekwemiti iyeyo, kuti inohinga tjini dzibilila COVID-19.

MAKUBUNGANO ANOPA LUZIBO NEKWE COVID-19 MUTJABA

GUBUNGANO	NHU WAWUNGAKUNHA	FONI
OPHID	Norman Dube	0776007811
DOT YOUTH ZIMBABWE	Nesisa Mpofu	0712221431
CITE	Zenzele Ndebele	0773103262
BULAWAYO CITY HEALTH	Mrs Siziba	0772402425



Holesesa malebeswa

- Banhu beMoHCC bakati Zimbabwe ayanhu ikaba nenu wabhakhwa bugwele gwehokomhezi koga bakatjenedza banhu kuti bagale bakazwitjeneta hule kwekuti bugwele igogu gwawanika muhango dzili 19 mu Africa.
- Nekutobe kwakajalo, hulumente watjibaakanya nhambodzelindila, neholesesa muma labhorethari nedzibilila bugwele igogu, tjaba tjtotedzewa kuti tjtobele nhambodzeTjila kubuya nezwibhata dzinohingisiwa ngwenuwali zwidzibilila kuCOVID-19 dzinonga holela ungula maboko netalangana, saku kwtjiboneka kuti zila idzedzi dzodzibilila bo bugwele gwehokomhezi.

- Bugwele gwehokomhezi gwakawanika mubantu kwekutanga mugole la1970, kuhango yeDemocratic Republic of Congo (DRC), mumwana wetjiyisana una mimwedzi ili hhanalume, koga gukadzibiliga. Kubvisila ipapo, bugwele igogu gosowanika mubantu kwazo banogala kanyi nebanogala mumitunhu inona vula njinji, muDRC, koga gokotjiswika kudzimwe hanga ngentha yeyenda kwebantu.
- Seleba kwebeWHO, Hokomhezi bugwele gwebhukanana linoba labva mumhuka (dzinonga mbeba nabohoko likobhomewa banhu) gonga mhezi, koga aguna masimba semhezi. Zwinolayidza bugwele igogu zohanganyila luhhahhamo, pandiwa nen'holo, gwadza kwewhumbu, gwenyakwenya, zwimba kwentotji nekumwe bo.

Zwinokuludzigwa bahingi bano andamisa luzibo kose netjaba

- Bahingi bano andamisa luzibo mutjaba bangahingidzana nebeziwongelo mutjaba bazuvisane nebanhu betjikadzi nebatjakula bebazibisa nekwebhukanana lehokomhezi, mabvilo alo, bhomaniva kwalo nelapiwa kwalo beleba kakale nezila dzezwidzibilila dzinonga talangana, sanithayisa maboko nehayigwa dzibilila.
- Banohinga nezwetjila kubuya mutjaba bangahingidzana nebedzirediyo bakakoka bazibi bezwebutjilo kuti bawholeba nekweCOVID-19 kose nehokomhezi, beleba nekwemamo angalonga tjabu mumboli yebhata idzedzi nghwele behingisa ndimi dzinolebgwa mutjaba dzinonga Tjikalanga, tjiTebele, tjiNambiya, tjiTonga, tjiVenda, netjiSotho.

Nhu Wawungakunha Pafoni

Bahingi bano andamisa luzibo banohaka luzibo gwebudza tjab
gwakatambunuka kakale gwakapelela nekweCOVID-19 bangaguwana
munhanganya dzinotobela: -

Nhanga dzeMinistry of Health and Child Care
WhatsApp, tumila HI: +263 714 734 593
Foni Inolidziga mpho: loba 2019 ke 393

Luzibo nekwebugwele gweHOKOMHEZI kwangwenewali gowanika
kuBulawayo City Council Health Promotions Department:
Foni: 0772402425

Wawungakunha
Senziwani Ndlovu | Project Manager: Rooted in Trust Zimbabwe
sndlovu@internews.eu | Cell: +263 713 423 723
Pan'hingo | 45 Moffat Avenue | Hillside, Bulawayo, Zimbabwe

